



Komisija za Statut i akte

Broj: 02-02-1490/17

Datum, 25.09.2017. godine

ZAPISNIK
O RADU 16. SJEDNICE KOMISIJE ZA STATUT I AKTE
GRADSKOG VIJEĆA
ODRŽANE 25.09.2017. GODINE

Prisutni:

1. Mr. Izmir Hadživdić, predsjedavajući
2. Toni Vukadin, zamjenik Predsjedavajućeg
3. Nihad Uk, član
4. Bajro Biber, član
5. Drago Jurić, član
6. Sanela Fijuljanin, članica
7. Emir Zlatar, član

Odsutni: Denis Stojnić, član, Jasmin Salkić, član

Sjednici prisustvovao sekretar Gradskog vijeća Safet Krajišnik.

Sjednici prisustvovala Dubravka Muminović Klašnja, šef Kabineta Predsjedavajućeg i zamjenika Predsjedavajućeg Gradskog vijeća.

Sjednici prisustvovao iz Službe Gradskog vijeća:

- Jasmin Pirija, stručni savjetnik

Po ovlaštenju Gradonačelnika sjednici prisustvovale:

- Maja Hadžihalilović, savjetnik Gradonačelnika za pravna pitanja
- Sabina Hadžiahmetović, stručni savjetnik u Službi za opću upravu

Predsjedavajući je otvorio sjednicu pozdravio prisutne i utvrdio kvorum za punovažan rad i odlučivanje. Poslije rasprave, jednoglasno je usvojen sljedeći **dnevni red**:

1. Usvajanje zapisnika sa 15. sjednice Komisije
2. Davanje mišljenja na Prijedlog Odluke o davanju saglasnosti na Pravilnik o unutrašnjoj organizaciji i sistematizaciji radnih mjesta organa uprave Grada Sarajeva
3. Davanje mišljenja na Prijedlog Odluke o platama i naknadama u organima Grada Sarajeva
4. Davanje mišljenja na Prijedlog Odluke o davanju Saglasnosti na Sporazum o namjeri osnivanja Javne ustanove „Muzej savremene umjetnosti ARS AEFI Sarajevo“
5. Tekuća pitanja

TAČKA 1.

Usvajanje Zapisnika o radu 15. sjednice Komisije za Statut i akte

Zapisnik o radu 15. sjednice Komisije za Statut i akte jednoglasno je usvojen.



TAČKA 2.

Davanje mišljenja na Prijedlog Odluke o davanju saglasnosti na Pravilnik o unutrašnjoj organizaciji i sistematizaciji radnih mjesta organa uprave Grada Sarajeva

Uvodno izlaganje je podnijela predstavnica Predlagača, te je ukratko obrazložila izmjene nastale nakon održane Administrativne komisije, Komisije za Statut i akte, te dostavljenog Mišljenja Sindikalne organizacije organa Grada Sarajeva.

Nakon rasprave, u kojoj su učestvovali članovi Komisije, a na prijedlog Predsjedavajućeg, Komisija za Statut i akte, većinom glasova, sa pet glasova "za", dva glasa "protiv" usvojila je sljedeće **zaključke**:

1. Komisija za Statut i akte predlaže da se u članu 16. Pravilnika na kraju rečenice doda tekst "u skladu s zakonom".
2. Komisija za Statut i akte predlaže da se uslovi za obavljanje poslova sekretara Gradske uprave u pogledu vrste fakulteta dopuni Fakultetom političkih nauka i Ekonomskim fakultetom, i da se iz opisa poslova izostave normativno-pravni poslovi.

Budući da se predstavnica Predlagača nije mogla izjasniti, da li prihvata ili ne prihvata predložene prijedloge u ime Predlagača, Komisija za Statut i akte je donijela poseban **zaključak**:

Ukoliko Predlagač ne prihvati ove prijedloge, da se isti razmatraju na sjednici Gradskog vijeća kao amandmani Komisije za Statut i akte, a sve u skladu s članom 50. stav 2. Poslovnika Gradskog vijeća koji glasi: "Prijedlozi Komisije koje predlagač nije prihvatio, razmatraju se na sjednici Gradskog vijeća kao amandmani, ako to Komisija zatraži".

TAČKA 3.

Davanje mišljenja na Prijedlog Odluke o platama i naknadama u organima Grada Sarajeva

Uvodno izlaganje je podnijela predstavnica Predlagača, u kome je obrazložila potrebu donošenja nove Odluke o platama.

Komisija za Statut i akte je uočila propuste u preambuli Odluke o platama i naknadama u organima Grada Sarajeva gdje nije navedeno pozivanje i na "Službene novine Kantona Sarajevo", broj 5/13 i 9/15, u kojima je između ostalog, predviđeno brisanje savjetnika u tijelima vlasti Kantona Sarajevo.

Nakon rasprave, na prijedlog Predsjedavajućeg, Komisija za Statut i akte, većinom glasova, sa pet glasova "za", dva glasa "protiv" usvojila je sljedeće **zaključke**:

1. Komisija za Statut i akte predlaže da se izjednači koeficijent sekretara Gradske uprave i sekretara Gradskog vijeća, te da glasi 6,50.
2. Komisija za Statut i akte predlaže da se u članu 5. iza stava 1. dodaju riječi "u skladu s zakonom i kolektivnim ugovorom".

Budući da se predstavnica Predlagača nije mogla izjasniti, da li prihvata ili ne prihvata predložene prijedloge u ime Predlagača, Komisija za Statut i akte je donijela poseban **zaključak**:

Ukoliko Predlagač ne prihvati ove prijedloge, da se isti razmatraju na sjednici Gradskog vijeća kao amandmani Komisije za Statut i akte, a sve u skladu s članom 50. stav 2. Poslovnika Gradskog vijeća koji glasi: "Prijedlozi Komisije koje predlagač nije prihvatio, razmatraju se na sjednici Gradskog vijeća kao amandmani, ako to Komisija zatraži".

TAČKA 4.

Davanje mišljenja na Prijedlog Odluke o davanju Saglasnosti na Sporazum o namjeri osnivanja Javne ustanove „Muzej savremene umjetnosti ARS AEVI Sarajevo“

Uvodno izlaganje je podnijela predstavica Predlagača, te je obrazložila da je prihvatila sugestiju radnih tijela (Administrativne komisije i Odbora za društvene djelatnosti), da se riječi "o namjeri" zamijene riječju "radi".

Na prijedlog Predsjedavajućeg, Komisija za Statut i akte jednoglasno je usvojila sljedeći **zaključak:**

Komisija za Statut i akte konstatira da je predloženi akt dostavljen od strane ovlaštenog predlagača, po propisanoj proceduri, predložen u propisanoj formi i osnovan u Statutu Grada Sarajeva, predložen u skladu s Poslovníkom Gradskog vijeća, te sugerira Gradskom vijeću da razmatra Odluku o davanju Saglasnosti na Sporazum radi osnivanja Javne ustanove „Muzej savremene umjetnosti ARS AEVI Sarajevo“, u formi i po postupku kako je predložena.

TAČKA 5.

Tekuća pitanja

Pod ovom tačkom dnevnog reda nije bilo zaključaka.

ZAPISNIČAR

Jasmin Pirija, stručni savjetnik

PREDSJEDAVALJUĆI KOMISIJE

Mr. Izmir Hadžić, s.r.